

Conferencia di Cuido di Salud na Aruba



ORANJESTAD – Den fin di siman cu a pasa preparacionnan ta andando pa e prome Conferencia di Cuido Medico Aruba. Dialuna mainta nos isla ta reuni algun di e figuranan mas prominente y maneho di institutonan riba tereno di cuida medico. Di Europa, Caribe, Norte y Latino America ta yegando especialista y exper-tonan pa papia di e reto-nan cu mundo medico ta confronta y con por yega na solucionnan.

Hopi ta cualifica e inicia-tiva di IPKO un exito ya cu



tabata na su luga pa nos pais habri un discusion entre sec-

tor politico tocante maneho medico cu ta habri caminda pa mehoracion riba e tereno aki. Gabinete Mike Eman II pa medio di Minister di Salud dr. Alex Schwengle tin e organ-isation di e evento bou di su encargo. Cu un registra-cion cu mester a cera algun dia atras, cu 250 participante, tur cos ta indica cu en berdad e resultado ta bay ta uno hopi positivo pa tur partido.

E programa ta consisti di cua-ter topico discuti durante ses-ionnan plenario y di discus-ion. Riba e prome dia e tema ta Sistema di Cuido Medico den Comunidadnan Chikito (Region Caribense), e di dos dia ta bay papia di Enfoke riba Produccion pa Cuido Medico cu Enfoke riba Cali-dad. Diaranson dia 3 di juni e tema ta Di Cuido Dividi pa Cuido Integral (Holistico) y riba e ultimo dia ta trata Co-laboracion den y entre miem-bronan di Reino Hulandes.

Teniendo na cuenta e ultimo topico y e potencial grandi cu tin den dje, mandatario di diferente isla y pais ru-man den Reino ta presente pa e conferencia aki. Minis-

ter di Salud Publico di Hu-landa Edith Schippers lo t'ey, como tambe su homologo di Corsou dr. Bernard White-man y Minister di Financia di St. Maarten, Martin Has-sink. Gabinete Mike Eman II ta probecha di e oportunidad aki pa tene un reunion para-lelo na e conferencia caminda por trata diferente topico riba nivel di gobierno.

Despues di e apertura, James Fitzgerald, B.Sc.(Pharm), Ph.D, M.P.S.I., como Di-rector di Sistema y Servicio



di Salud pa PAHO/WHO ta hiba palabra. "Wishes vs. Resources" ta e tema cu e lo trece dilanti. Den su funcion Fitzgerald ta responsabel pa supervisa e trabou di PAHO su programa riba polisa y



maneho publico di salud, sistemanan di salud y organi-sacionnan di servicio, recurso humano pa salud, financia-mento y acceso na remedi y tecnologia orienta na e Uni-versal Health Coverage. E ta e autor y co-autor di numero-oso articulo y ta miembro di un cantidad di sociedad pro-fesional y gruponan di con-seho asocia cu e profesion y area di salud.

Tur reunion y actividad rela-ciona cu Health Care Con-ference Aruba ta tuma luga entre 1 pa 4 di juni na Renais-sance Convention Center. □